

1697.

DISSERTATIO INAUGURALIS MEDICA,

DE

SYMPATHIA RENUM
PRAECIPUE IN STA-
TU MORBOŠO,

QVAM

CONSENTIENTE AMPLISSIMO MEDICORUM
ORDINE

IN

UNIVERSITATE LITERARUM CAESAREA
DORPATENSI,

UT GRADUM

DOCTORIS MEDICINAE

RITE CAPIT.



LOCO CONSVETO PUBLICE DEFENDET.

AUCTOR

CAROL. ALOYS. MIZONKEWICH.

IN UNGARIA NATUS.

DORPATI,

TYPIIS J. C. SCHÜNKMAIERI.
MDCCXCVI.

I m p r i m a t u r:

ea tamen sub conditione, ut, simulac dissertationis hae typis excusa sit et antequam divulgetur, septem exemplaria, quae secundum jussum supremum distribuenda sunt, administrationi Universitatis, cui censura librorum mandata est, tradantur.

Dorpati, d. x. Jul. MDCCXVI.

Daniel Georgius Balk,

Medicinae et chirurgiae Doctor, Pathologiae, Semiotices et Therapiæ Professor P. O., instituti medico-clinici, instituti, quod asphyxiorum curam gerit, nec non collectionis pathologicae Director; a consiliis collegiorum etc.

Censor.

0 12599

I n t r o i c t u s.

Praecesserunt in themate dissertationis eliendo circa doctrinam sympathiae complures amicorum longe dilectissimorum a) quorum exemplis valde gavisus, de sympathia rerum conscribendi paucula pro tenuitate virium et ego consilium cepi.

Ea autem milii, refictis in medio tot hac super re distinctionibus, præ ceteris semper multo magis arrisit sympathiae notio, quae antagonismum et antenergiam, s. actionem organorum vicariam, tanquam

a) Bursy, diss. animadversiones historico-criticae in doctrinam de consensu etc. Dorpati 1815. Joh. Frid. Weisse diss. de pathologia consenso. Dorpati 1815. Brebme diss. de sympathia entis ut causa morborum. Dorpati 1816. Nodalle diss. de hepatis in morbis præcipue sympathia. Dorpati 1816.

ideas consensui universali subordinatas, et
nil nisi hujus modificationes esse proponit.

Tali sympathiae conspectu perductus,
levidenis opusculi auctor, adhuc in arte
scribendi tiro, prodire prima vice ausus
sum. Quantulacunque tibi videantur, L. B.
in his primitiis sudavit et alsit scriptor no-
vellus.

Sunt, fateor, mauca nimis, concinna-
ta plerumque post triennium academicum,
tentamina tironis praesertim in arte medica,
aliarum omnium longe difficillima. — Qua-
propter recens scribenti non solum speran-
dum, sed etiam confidendum esse videtur,
lecturorum benevolentia atque indulgentia,
quo magis erigatur animus, id suppeditatum
iri, quod in his primitiis mutulum imper-
fectumque haut libenter relinquens, pro-
gressu temporis, et studiis penitioribus cor-
rigere magisque perficere cunctis viribus
conabitur

auctor.

C a p u t p r i m u m

praemittens

n o n n u l l a e x a n a t o m i a r e n u m .

Renes viscera communiter duo, ex omnibus
corporis humani organis quam frequentissime
naturae lusui subjecti b), latent in imi ventris
postica et intima regione lumbari, pone perito-
naeum, a quo tantum anteriori parte obducti,
ad spinae dorsi latera utrinque locati, et dia-
phragmati adnexi, urinae e sanguine secernen-
dae a natura destinati sunt.

b) Voigtel Handbuch der patholog. Anatomic. Halle
1805. 3r B. S. 163. Ibidem renis tantum nuntus, etiam-
que renum prouersus deficientium exempla afferuntur.

Ren dexter pone duodenum flexuramque coli dextram positus est, et infra hepatem, cuius volumine deprimitor. Sinister autem plerumque altior adparet. Superiori renum amborum parti venes succenturiati, incerti hucusque organa incumbunt. Figuram phaseolorum renes habent, et illorum situs talis est, ut eorum concava pars, s. hilus, ubi ingrediuntur vasa nervique, introrsum et spinam dorsi respi-
ciat; pars autem gibba s. convexa extrorsum et diaphragmati obvertatur.

Duabus vesciuntur renes membranis, nota-
tu dignis, scilicet:

- a) membrana adiposa, quae nihil aliud est,
quam tunica cellulosa adipe multum re-
pleta. Oritur hac a tunica cellulosa pe-
ritonaei, rene laxissime ambiente.
- b) membrana propria illa dicitur, quae sub-
stantiae renum arce undique adhaeret.
Candida non omnino pellucida et laevis
ea adparet, caret adipe, nec a perito-
naeo provenit, sed propria per se existit,
firmissima est, et saepe destructo rene
sola remanet. c)

c) A. Schumlansky, diss. anatom. de structura renum.
Argentorati 1782. p. 4.

Discernitur in ipsis renibus substantia ex-
terna s. corticalis, quae tantum coniunctionem
retiformem arteriarum, venarum vasorumque
capillarium reprezentat, in hac organi substan-
tia quasi magis peripherica secretio initium
summire videtur.

Substantia vero interior seu medullaris ver-
sus centrum renis facile perspicua, illa est, in
qua secretio conficitur, magis, atque ad exitum
protruditur. Arteriae circum sinuando nulla
anastomosi facta, in vasa capillaria secernentia,
quae subalbi coloris glomerulorum speciem ha-
bent, transeunt. Inde convergente haec vasa
tractu a peripheria ad centrum nomine tubulo-
rum uriniferorum tendunt, qui condensantur,
et bini inter se junguntur, ita, ut forment fas-
ciculos conicos, quorum massa summantim sub-
stantia tubulosa nominatur ab anatomis. Ab-
eunt autem demum fasciculi in plura corpuscula
conica vel papillas, numero 8 ad 10 et plures,
quae multis ostiis apertis in pelvem renum de-
pendentes, substantiam mamillarem constituant.
Papillis situ licet adversi respondent sic dicti
calices, s. tubuli infundibuliformes membrana-
cei, quibus stillans e papillis urina recipitur.
Calicum autem unione fit ipsa pelvis renalis,
quae in canalem tenuem, s. ureterem producta
vesicæ posteriori et imae parti oblique inseri-

tur. Tubularum papillarumque materies communi nomine substantiae medullaris designatur. Ex omni arcuorum plexusorum convexitate perpendiculariter prodeunt arteriolae, earumque sociae venae, eadem cellulosa vagina involutae, quae tantum ad renum nutritionem destinatae sunt, neque ad secerendam urinam quidquam contribuere videntur.

Dantur arteriae ordinario duae, emulgentes vel renales dictae, ex aorta paulo profundius arteriis mesentericis proveniunt. Sinistra multo brevior dextra semper inventitur, eo quod aorta in sinistro latere vertebrarum descendit. Quaelibet arteria renalis, antequam hilum renale contingit, in duos vel tres ramos dividitur, qui in renem per hilum immissi et in innumeros ramulos dispersi, arcus plexusque arteriosos sere infinitos constituant.

Arteriarum inseparabiles comites, venas renales constantius duas, vena cava inferior excipit; vena renalis dextra brevior est sinistra, ob situm venae cavae in latere dextro, sed vena renalis sinistra multo amplior quam dextra plerumque occurrit in cadaveribus.

Praeterea notandum est, renem utrumque proprio nervorum plexu gaudere, renali dicto, qui originem dicit a plexu coeliaco et mesenterico superiori, accendentibus insuper nervo re-

nali posteriore superiore, proveniente e ganglio Umbri primo. Constat autem, nervos formatis incerto numero gangliis renalibus hilum intrare renale, sequentes praecipue cursum arteriae renalis. d)

Quod ad vasa lymphatica adtinet, destinqui solent, quae, magis superficiem legentia, a parte renum convexa ad concavam prospicunt, itemque alia, quae ex intimis renum penetralibus in lucem prodeentes circa hilum junguntur cum illis superficialibus et tali unione facta plenarii commituntur lumbali,

d) Gr. Hildebrandt Lehrbuch der Anatomie des Menschen. Braunschweig 1799. 3r B. v. 3156, 3158, 3170.

Caput secundum

complectens breviter physiologiam renum, eoramque sympathiam in statu corporis sano.

Extra omnem dubitationis aleam positum est, renes primariis in corpore humano organis adnumerandos esse. Quod quidem tam ex persensis illorum functionibus, quam ad varia organa et systemata organismi considerato nexus multiplici et gravissimo abundanter eluet.

Requiritur enim ad sanitatem bene servandam secretionum excretionumque integritas, et justa ad totum corpus proportio, quibus quoque modo turbatis damnum adferri necesse est, quod diversissimis morbosarum affectionum phænomenis sese manifestabit. Docet etiam

experientia renibus extirpatis brevi perire animalia. e)

Ferme sola, eaque maxima in renibus dominatur egestio, processu forsitan, organico-chemico effecta. Obsolevit enim merito nostra aetate de viis lotii clandestinis nimis arbitraria opinio f), nec ullus jam dubitabit, quin omnium in corpore nostro se- et excretionum fons communis in sanguine quaerendus sit. Quodsi vero secernantur humores excrementitii e sanguine, inde liquet, eo majorem oriundam fore hujus dyscrasiam, et pro renibus male affectis aliorum intercedere debere organorum actionem vicariam, ne irreparabile damnum organismus capiat.

Gravitas autem ipsius secretionis renum, tum e consideratione chemica partium urinam constituentium g), tum etiam e quantitate materiae excretae, post cutis transpirationem amplissima, evidenter probatur. Quippe arteriae renales relatione luminum reliquas arterias ita antecellunt Senacio teste, ut unciae sanguinis mille, quavis hora renes petant. h)

e) Walther's Physiologie. Landsh. 1807. §. 414. 1r B.

f) Moose physiologische Untersuchungen über die geheimen Harnwege. Braunschweig. 1796.

g) Burdach's Physiologie. Leipzig. 1810. §. 428 seq.

h) Sprengel instit. medic. Amstelod. 1814. Tom. II

Non igitur absonum videtur renes tanquam organa corporis humani depuratoria, quorum functiones sint sumni momenti, diligenter considerare. Tendit enim continuo ad formandum ammonium seu ad putredinis processum vita animalis, ita quidem, ut urinae suppressa secretionem vere putrida corporis conditio eveniat. Sic in typho febris quasi urinosa cum apertissima materiae animalis decompositione obtinet. i) Secretio urinae quoque citissime perficitur. Mox enim infra arteriam mesentericam inferiorem, ex aorta descendenti abdominali oritur quovis latere arteria renalis s. emulgens, quae proposita est, secernendae urinae, in statu corporis sive sani sive aegrotantis adeo variabiliter quam quoad quantitatem, quam quoad qualitatem.

Primo notissimum est, a systemate nervoso non parum dependere uropoësin, atque animi motus, et nervorum diversas agitationes secretionem urinae valde immutare, sic vi favoris terrarise in fine accessionis hystericae, aut epilepsiae, mox post balnea tepida etc. etc. major liquidi quantitas excernitur per renes, quae tamen urina indifferens, limpida, aquosa magis

i) Walther l. c.

qualitatibus caret constitutivis, quas solum in urina cocta, post 8 — 9 horas a prandio aut mane emissas, vix non semper invenimus. k)

Pari affinitate jungitur uropoësis cum vasorum systemate. Frigus et calor sanguinis circuitum, ut pulsus in febribus inflammationibusque clarissime docet, alterat, sed eo ipso tempore turbari sistema uropoëum et quantitas et qualitas excreti lotii luculenter evincunt. Similiter urina, uti ajunt, saturatissima mittitur post aliquot a postu horas, ubi scilicet sanguificatione perfecta, sanguis partibus constitutivis quam maxime scatet.

De quantitate urinae unius nychthemeris disputant quidem adhuc physiologi, sicuti de quantitate transpirationis cutaneae, sed in eo omnes scriptores unanimiter conveniunt, secretionem urinae cum illa cutis constanter esse in ratione reciproca. Minuitur igitur frigore cutis transpiratio, crescente simul ad triplum usque urinae pondere, v. c. refrigeratione pendum pertinacissima urinae retentio saepe tollitur l), contrarium calore, v. c. methodo diaforetica efficitur. m) Intercedunt ergo pro

k) Walther l. c.

l) Hufeland's Pathogenie. Gen. 1799. II B. C. 32:
m) Walther l. c.

se invicem cutis, remanique secretio, sibique mutuo succurunt.

Verum etiam adest sympathia systematis uropoëi cum systemate chylopoëo et cum tubo intestinorum, quam in statu corporis morboso, uti infra patebit, evidenter e nervorum conjunctione mutua haud difficulter derivarunt scriptores plurimi, quibus fere haec unica sympathiae explicatio e nervorum communione petita, placet. Huc referenda est diarrhoea aquosa, suppressionem urinae sequens. Alvum adstrictam saepissime copiosior urinae secretio comitari solet. Excretio autem alvina nunquam non urinae secretione stipatur. Nervis enim, vasis muscularisque jungitur intestinum rectum, cum vesica urinaria, et prioris fortiores musculi non possunt non ad simultaneam actionem determinare vesicam.

Consensus systematis uropoëi cum illo generationi inserviente, jam situ atque dispositione partium sat luculenter notatur. Oritur enim, uti novimus, haud raro arteria spermatica interna ex arteria renali, vesicula seminalis posteriori vesicae urinariae parieti apposita est, et utrumque systema communi gaudet canali ejaculatorio. Ex tali vero consensu per bene explicatur, cur aphrodisiacis, v. c. cantha-

ridibus irritetur simul sistema uropoëum et al. ej. mod.

Non silentio praetererundus est systematis uropoëi consensus cum systemate ossium, quippe tempore ossificatiōnis, quae praecepit in puerilem et senilem aetatem cadit, et quantitate et qualitate diversimode variat urinae secretio. Neque minus in variis ossium, juncturarumque morbis mutua utriusque systematis conspicuntur dependentia.

Membranarum etiam serosarum mucosarumque functiones haud raro intercedunt pro suppressa penitus urinae se- et excretionē. Unde diarrhoea urinosa, halitus urinosus, transpiratio urinosa, sudor urinosus sat frequenter occurunt, prout aut intestinorum, aut pulmonum, aut totius corporis membranae funguntur actione vicaria renum vel minus, vel nil omnino secerentium. Sed vice versa in suppressione alvi saepius plus urinae excernit, in pneumonia loco sputi puriformis felici cum eventu puriforme in fundo matulae sedimen adparet. Quid. quod ipsius vesicae membrana interior ex parte saltem renum actione fungi videatur eo, quod renibus suppuratis, obturatis ureteribus, aut iisdem vesicae haud insertis, praeter sudorem, diarrhoeam atque vomitum lotium redolentia-

portio urinac vel liqtoris huic valde similis in vesica saepius reperta sit.

Ex his jam breviter enumeratis concludere licet, non mirandum esse, varia organismi humani organa sive systemata in fatalem trahi consensum, si vel alteretur, vel ponitus intercipiatur egestio materiarum illarum, quae crassiores, veluti processu organico-chemico ex alimentis assumptis praecipitatae, necessario e corpore eliminandae sunt, cum ad finem ut consentanea materiae animalis mixtio atque forma, unde dependet justa perceptionem inter et reactionem proportio, quoad fieri potest, salve atque incolumis semper conservetur.

C a p u t t e r t i u m

adambrans

sympathiam renum in statu morboso.

Antiquissiniis jam temporibus nexus multiplex cum diversis organismi partibus, variis modis sese prodens in morbis, tanquam summi momenti semper agnitus est. Huc spectat adeo celebris quondam et tam diu vigens, uroscopia, quae ex hoc capite considerata certe non tam vana dicenda est, ut multis forsitan videtur. Si enim serius perpendimus tot mutationes atque anomalias, quas patitur sistema uropoëum in morbis longe diversissimis, si hoc prae reliquis sistema a natura eligi quotidie observanus, cu-

jus ope crisis maxime salutares ad sanitatem restituendam perficiuntur, tunc utique nil dubii supererit de summa necessitate et attentione qua decet medicum accuratissime supradicti systematis curam habere, ni negligentiae velit tristissimas luera poenas.

Habuit autem tanti renes Senacius, teste Tissotio ⁿ⁾, ut his non facile aliam partem pluribus ansam dare sympathicis perturbationibus affirmaret. Cui quidam opinioni si stricte assentire nolit Tissotius, ratus ventriculum, atque uterum certe sympathia antecellere renes, horum tamen latissimum influxum non audet inficias ire, adjungens in praecipua ad caput relatione renes esse.

Etiam Rega ^{o)} sympathiam renum quam latissime patere arbitratur. Bartholinus ^{p)} renes affectos et calculo obsessos per consensum cephalalgiam inferre, observavit; idem auctor notat, etiam hemicraniam ejusdem lateris, cuius ren calculo erat obstructus. Fore-

ⁿ⁾ Tissot's Schriften, übers. von Kerstens. Leipzig. 1793.
^{4r} Thl. S. 452.

^{o)} Joseph Rega de sympathia seu de consensu partium corporis humani. Francfurti 1762. p. 286.

^{p)} Rega l. c.

stus q) gravissimas cephalalgias eadem causa, nempe calculis nephriticis productas memoriae tradidit. Adolphi cuiusdam viri quadraginta circiter annorum exemplum affert, quem graves calculo allati dolores renum, omnino visu privabant. Ejusdem quidem oculi externe optimi videbantur, et nihil mali monstrabant, verisimile igitur est amaurosin adfuisse, e sympathia nervorum oculorum cum illis renum vehementer calculo irritatis probabiliter ortam. ^{r)} Baglivi memorat, calculis nephriticis, ad diem usque vitae supremum laborantes plerunque inter delirium et convulsiones afflare animam. ^{s)} Hildani filius major natu, ut ipse refert, septem annorum, per unum vel duos dies affligebatur vehementi capitis dolore, quem novus dolor in regione lumborum cum febre et ischuria sequitus est. Septimo morbi die puer obiit. Sectione facta in renibus partibusque adjacentibus inflammatio gravissima, quae jam in sphacelum abierat, inventa est. ^{t)}

^{g)} De canis consensu nervorum physiologicis. Lips. 1790. 4. — Recus in Ludwig scriptor. neur. minos select. T. VI. p. 276.

^{r)} Tissot l. c. p. 453.

^{s)} Rega l. c. p. 287.

^{t)} Troja über die Krankheiten der Nieren der Harnblase

Renum cum pectore sympathiam doctissimi medici Parisiensis Ballonii observatio hac de re exactissima tam evidenter demonstrat, ut eandem e Regae opusculo saepius jam citato u) desumtam ipsissimis Ballonii verbis hue inserere omitttere nequeam: „quidam ait vir celeberius orthopnoea laborare videbatur unde gravissime haberet, nonnulla erat susspicio affecti pulmonis, non tamen certa erant argumenta, quibus appareret vitium in pulmonibus conceptum, tamen cum orthopnoeus et auhe-losus maneret, quaesitum quae illius difficultatis causa esset: multis ad unguem pertractatis, in eam ventum est tandem opinionem, ut nihil tale in pulmonibus consistere crederetur, quod eam difficultatem invehernet; sed ut plerique alii sunt oculatores, dictum est suspicionem esse magnam calculi in renibus, quod cum contingit aliqua tamen difficultatis spirandi species apparere potest. Consultum renibus est: deturbatus remediis convenientibus calculus, libertas respirationis est restituta.“ Et nos vi-

und der übrigen zur Ab- und Aussondierung bestimmten Theile. Ein Auszug aus dem Italienschen. Leipzig. 1788.

S. 24.

u) Rega l. c. p. 287.

dimus, pergit laudatus auctor, mulieres aliquot et viros, quibus familiaris renum dolor est gravis et pungens, qui saepe conqueruntur de dolore lateris, ac si pleuritis aliqua notias costas occuparet, cum tamen nihil sit tale; sed ob obsidionem renis a calculo aut ejusdem oppressionem renis ab aliqua re obstruente ratione nervi implantati in renis corpus. Pariter Troja v) dolores e calculis renum obortos pneumoniae speciem haud raro ob pectoris cum renibus consensum fallaciter simulare testatur. Lister in excitationibus medicis agens de calculo humano x) aegrotam refert aliquam calculosam, quae praeter calculorum excretionem mingendi cupiditatem, lumborum et vesicae dolorem, urinam aqueam, cibi inappetentiam cordis pati batur assidua palpitatione. Consentunt autem omnes scriptores in eo, quod renibus affectis systema vasorum, cuius quidem centrum in pectoris cavo existit, plerumque in consensum trahatur sic ut unicum auctorum certe fide dignissimorum afferam, Baglivi in calculosis pulsum manus reni affecto respondentis parvum esse

v) Troja l. c. p. 61.

x) Edit. Amstelod. 1698. 8. p. 111.

et depresso memorat, communicata dolorosa oscillatione contractioneque a renibus ad vasa e directo. y)

Verum longe frequentissime organorum uropoeticorum cum reliquis abdominis partibus, ut hae illorum noxiam graviter persentiant, sympathia quotidiana praxi sat superque evincitur. Celeb. Ettmüllerus loquens de calculo renum pulcherrime addit sequentia: porro superveniunt tormina, colica satis acerba cum nausea, vomitu, et similibus consuetis symptomatis in colicis, idque propter spasmaticas convulsiones nervorum ex plexu mezeraico in renes, intestina et stomachum transplantorum, nervo enim renali ex dolore, spasio affecto, continuatur ejusdem spasmus ad plexus mezenterii nervosos, qui ipsi simili spasio affecti, spasmatica contractura intestinorum tormina colica, vomitum, nauseam, et similia symptomata inferunt. z) Eadem Helmontium observasse loco ex ejusdem scriptis sequenti probatur: dum, ait contrahuntur venae in

y) Opera omnia. Lugdun 1714. 4. p. 335.

z) Opera omnia. Francofurti ad Moenum 1688. in Fol. p. 370.

calculosis renibus, consentiuntque intestina, atque dolorem colicum ideo mentiuntur ob consensum; qua de causa nephriticus dolor nondum per scholas satis distinguitur. a) Dolori renum perpetuus fere comes est dolor lumborum Baglivio et Dureto testibus. Thomasius Willisius diligentissimus inter anatomicos doctrinae de consensu explicator, quem permagnam vim et efficaciam in sympathiam adscribere nervis intercostalibus novimus, aperite pronunciat, lumbos magnum consensum cum renibus, affectionemque colicam cum nephritica multum affinitatis habere ut saepe difficile sit eorum paroxysmos ad invicem distinguere: tanta enim est sympathia intestinalium cum renibus et renum cum intestinalis et utrorunque cum ventriculo, ut colicus dolor et nephriticus inter initia communia videantur habere singna et curacionem. b)

Huc quoque phoenomena sympathica diversissimi generis referenda sunt, quae sa-

a) Hortus medicinae. Amstelod. 1648. 4. de Lithiasi pag. 50.

b) Opera omnia. Amstelod. 1682. 4. nervor. descript. pag. 99.

bulo grossiori vel calculis nephriticis per ureteres descendentes provocantur, nausea continua, haud raro vomitus violentissimo, anorexia, ventris inflatione, flatulentia partium abdominis molestissima aegroti saepenumero torquentur. c) Referunt acta curiosorum d), hittorican puerae, quae, ob renum lapillos dolore vexata nephritico, adeo pertinaci laborabat diarrhoea, ut solum aliquot olei amygdalarum dulcium cochlearibus diminuit potuerit. Vomitum vehementissimum ipsi Pisoni accidisse in ejusdem scriptis e) legimus, calculo nephriticis per unum ureterem serpente effectum. Juvit tamen egregie abdominis in vomitionibus concussio progressum calculi, quo in vesicam delapso repente vomitus cessavit.

Renum non modo sub statu sano sed et morbo mirifica est inter se conspiratio, ut constat ex historiola Baglivi f); ait subinde: nobilis mulier quadraginta annis nata dere-

ψ Robert Whitt's sammelliche praktische Schriften.
Leipz. 1721. S. 264.

d) Centur V. obser. 98.

e) Observat. Sect. IV. cap. 2. p. 317. observ. 102.

f) Baglivi opera omnia. Lugduni 1714 in 4. de anatom. librar. Fol. 420.

pente corripitur dolore renis sinistri cum vomitu et urimae suppressione; omnia signa calculi renum ab Hippocrate in coacis descripta aderant; variis exhibitis remediis, nihil levabatur. Interea dolor renum crescebat, urina prorsus crecebat, circa hypochondria sentire se dicebat fortissimum ligaturam summopere dolorosam, perinde ac si funibus esset constricta. Respirabat velut singultiendo. Convulsiones internae frequentes. Tinnitus aurium in principio: inappetentia maxima. Sapor oris pessimus. Nulla vel levis febricula. Circa septimum omnia in determinis. Venter tumere coepit. Ab umbiculo ad costas mordet circa stomachum pessime habebat, canes ibi esse rodentes et lacerantes ascrebat. Nona die pessime in omnibus: tumores pedum, respiratio singultuosa. Remediis variis nihil proficiuntib; sapor linguae omnino malus; inquieta, anxia. Sedere magis quam decumbere cupiebat. Bis terque gestata curru per urbem pejus habuit. Irritis balneis, et quibuslibet remediis, die morbi undecima obiit miserrime; vehementissimis motibus convulsivis paulo ante mortem correpta, cum quibus perire fere singultiendo. Pulsus ante mortem parvi, et quadam veluti strangula-

toria crispatura circa stomachum et oesophagum: seculo cadavere, calculus magnitudine digiti pollicis incurvatus, et partim in pelvi, partim in principio ureteris existens, in dextro rene inventus est; cum tamen dolor, quod sane mirum, et observatione dignum est, sinistrum duntaxat renem molestaret. Reliquis in partibus nihil morbosum observavimus. Ettmüllerii etiam observatio hujus rei notabilis est, ait enim g): licet in calculosis quorum altero affecto rene et a calculo in pelvi haerente interrupta urinae via, et alter socius ren, benevolens officium negligit adeo ut penitus hinc sequatur urinae suppressio.

Calculus etiam vesicæ, irritationem per ureteres ad renes ipsas, qui ob hanc unicam causam inflamentur, extendere potest. Saepe factum est ut calculus vesicae inflammationem renum gigneret, qui per sympathiam perdurantium ardantiumque dolorum affecti erant.

De consensu renum cum extremitatibus plura adhuc dicenda forent, sed paucula duntaxat etiamnum afferam, ne extra dissertationculae terminos egredi videar. In renum affectibus haud raro sensus gravitatis, qui stan-

do eundove augetur, claudicatio, obtusio, intumescentia oedematosa, aut adeo tabes pedis ejusdem morbosí lateris observantur.

Noli exaratis hisce ad te pagellis irasci L. B. si exspectationi non respondeant. In multis, haud nego, titubatum est. Sunt enim haec tironis incerta vestigia, tu contra audenter ito, et vale.

T h e s e s.

I.

La rita virium perpensatione curationis car-
do vertitur.

II.

Morbi anomali fere semper incognitos mor-
bos mentiuntur.

III.

In morbis psychicis praesertim phantasiae
est habenda ratio.

IV.

Morbi periodici facilius praecaventur quam
curantur.

V.

Major ars est mederi foeminis quam viris.

VI.

Quae sibi ipsi similis, facies optima in mor-
bis est.
